



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Atrebaten. Episcopo.

urn:nbn:de:hbz:466:1-20006

quid debeat attentari, miramur non modicum & movemur quod tu, prædecessoris tui exempla securus, qui motu propriæ voluntatis Mamistan. in Tharsen. dicitur transtulisse, La. quondam Apamien. electum in Tripolitan. Ecclesiam transtulisti. nec tibi sufficit dicti prædecessoris tui præsumptionem sollempmodo imitari, immo etiam in injuriam nostram, ipsius transgressus excessum, novo quodam mutationis genere parvificasti majorem, & magnum quodammodo minorasti, episcopare Archiepiscopum immo potius darchiepiscopare præsumens, cum dictus prædecessor tuus dictum Archiepiscopum de Tharsen. Ecclesia in Ecclesiam transtulerit similis dignitatis. Licet enim dictus L. nondum fuisset in Archiepiscopum consecratus, confirmationis tamen munus receperat, & archiepiscopalia, quantum ei licuerat, ministrarat; sicut ipsius nobis relatione innotuit, qui se Valenien. Episcopum, cum in nostra esset præsentia constitutus, afferuit confirmasse. Ne igitur perpetrandi similia ceteris audacia præbeatur, si tantus excessus relietus fuerit impunitus, te ab Episcoporum confirmatione duximus suspendendum, quoisque super hoc aliud statuimus, scitur quod hoc nos ab exauditione petitionis, quam pro venerabili fratre nostro Archiepiscopo Mamistan. porrexeras, revocavit. In ceteris autem, quantum cum honestate potuimus, te curavimus exaudire. Datum Laterani XVI. Kalend. Aprilis.

DICTO TRIPOLITAN.

Episcopo.

Epiſt. 51.
Quia in Apamien. Ecclesia in Archiepiscopum electus in Tripolitan. fecit transferri, à pontificali officio executione suspenderetur.

Cum ex illo &c. ut supra, usque ad verbum illud movemur quod cum in Apamien. Ecclesia in Archiepiscopum fuisset electus, & confirmatione susceppta, quantum tibi licuerat, archiepiscopalia ministrasses, sicut extua nobis relatione innotuit, qui olim apud sedem apostolicam constitutus, venerabilem fratrem nostrum Valenien. Episcopum te confessus es confirmasse, in Tripolitanam te transferri fecisti, novo quodam promotionis genere non promotus, sed potius minoratus. Ne igitur perpetrandi similia ceteris audacia præbeatur, si tantus excessus relietus fuerit impunitus, te ab executione pontificali officij duximus suspendendum,

donec super hoc aliud statuamus. Datum Laterani.

S U E S S I O N . E P I S C O P O .

Iustis petentium &c. usque ad verbum illud assensu. Recipiendi appellazione remota jus patronatus à dilecto filio P. Præposito Compendien. in capella quam in Castro de novo construxit, sicut illud ipse tibi poteſt justè conferre, liberam tibi concedimus auctoritate apostolica facultatem. Nulli ergo &c. Datum Laterani XIII. Kalend. Aprilis.

Epiſt. 52.
De concessa ſibi licentia recipiendi ius pa-
tronatus cuiusdam capelle à P. Præposito
Compendien.

E I D E M .

Propositum est nobis quod cum in Castro Compendien. una tantum parochia fuerit ab antiquo, ea jam in tantum excrevit, quod in tres valet dividi competenter, ex quarum qualibet plures etiam possunt vivere sacerdotes. Propositum est insuper nobis, quod dilectus filius P. Præpositus Compendien. capellam quandam apud idem Castrum construxit propriis redditibus, & ditavit, quam per te tanquam per diocesanum Episcopum petit, solenniter dedicari. Vnde fraternitati tuae auctoritate praesentium indulgenſum, ut liceat tibi sub appellationis obſtaculo ſecundūm Deum & canonica, instituta tam de parochia illa disponere, quām dedicare capellam, si à venerabili fratre nostro Atrebaten. Episcopo, cui super hoc ſcribimus, licentia fuerit tibi collata. Datum Laterani VIII. Kalend. Aprilis.

Epiſt. 53.
Vt capellam R. ſibi à Præposito
Compendien. collatam dedi-
care valeat, &
de parochia di-
ponere cum li-
centia Episcopi
Atrebaten.

ATREBATEN. E P I S C O P O .

Ex parte venerabilis fratris nostri Sueſſionen. Episcopi apostolicis eſt auribus intimatum, quod cum in Castro Compendien. &c. ut supra usque ad verbum illud sacerdotes. Verum cum in eadem parochia una ſola ſit conſtructa Ecclesia, & in ea unus ſolus Presbyteriſtitutus, & ad eam non modica conveniat populi multitudine, contingit aliquando quod propter penuriam ſacerdotum plerunque parochiani defectum in spiritualibus non modicum patiuntur. Volentes igitur parochianis ipsis in hoc ſollicitudine paterna consulere, fraternitati tuae per apostolica ſcripta mandamus, quatenus ſi parochiam ipsam ad dictum Episcopum conſtiterit pertinere, disponendi de ipſa ſecundūm Deum & canonica instituta liberam ei tribuas au-

Epiſt. 54.
Vt ſi ei conſi-
terit quod pa-
rochia Caſtri
Compendien.
ad Episcopum
Sueſſionen per-
tinet, disponē-
di de ipſa libe-
ram ei tribuat
facultatem.

D iii

30 Epistolarum Innocentij III.

uctoritate apostolica, remoto appellatio-
nis & contradictionis obstaculo, faculta-
tem. Datum Laterani VIII. Kalend.
Aprilis.

BVRDEGALEN. ARCHIEPISC.

Epif. 55.

De sententiā
lata pro Cano-
nicis Lemovi-
cen. per Domini-
num Celestium,
& de ipsius re-
vocatione ve-
ritate cognita
per eundem, &
quod Dominus
Innocen. prae-
cipit executioni
mandari quod
factum est per
Dominum Ce-
lestium.

CVM felicis recordationis Celesti-
nus Papa prædecessor noster bona-
memoria R. Petragoricen. Episcopo
dederit in mandatis, ut si S. quandam
Episcopū & Canonicī Lemovicen. dile-
ctūm filium nostrum Guid. Marnoli Pres-
byterum infra viginti dies post suscep-
tionem literarum suarum in Canonicū
& fratrem nollent recipere, ipse sublatō
appellationis obstaculo id exequi non
tardaret; eisdem Canonicis præceptum
illius & commonitionem ipsius Episcopi
contemnentibus, termino viginti dierum
elapsō, cūm dictus Episcopus ad Ecclesiam
Lemovicen. mandatum præfati
prædecessoris nostri executurus accede-
ret, quidam Canonicī Lemovicen. cum
quibusdam Clericis, & aliorum canonici-
corum servientibus, & laicorum multi-
tudine juxta portas civitatis suæ, in illu-
m & ejus socios irruentes, in quodam
cœmitorio præfatum G. Presbyterum
& quosdam alios in facie ipsius Episcopi
nimis turpiter & inhonestè tractarunt,
& duris verberibus affecerunt, & abla-
tis eis equitaturis, donec longè à civi-
tate expulerant, ingenti clamore fuerunt
ipsos cum lapidibus infecuti, & P. subd.
usque ad effusionem sanguinis in capite
percusserunt. Episcopus vero reversus
ad propria, prædictum G. Presbyterum
de Lemovicen. canonica juxta manda-
tum apostolicum solempter investitit, &
idem prædecessor noster investituram
ipsam ratam & firmam habens, auctor-
itate curavit apostolica confirmare. Ve-
rūm cūm idem Presbyter cum literis ab
eodem prædecessore nostro super inve-
stitura concessis ad propria remeaslet,
Aldovin. Bruschare ipsius Ecclesię Cano-
nicus contra ipsum à Capitulo destina-
tus, adversus eum multa proponens, à
præfato antecessore nostro Ecclesiam
ipsam per indulgentiam sedis apostoli-
cae ab ipsius impenitio obtinuit prorsus
absolvi. Ceterū quoniam idem
prædecessor noster postmodum multo-
rum relatione cognovit quod ea quæ
contra præfatum Presbyterum fuerant
allegata, à veritate penitus disreparant,
venerabili fratri nostro Bituricen. Ar-

chiepiscopo sub omni distictione præ-
cepit ut non obstante indulgentia illa,
vel alia, si quam in ipsius Presbyteri præ-
judicium imperatam esse constaret, uni-
versos Canonicos Lemovicen. Ecclesiae
publicè singulis festis diebus nuncia-
ret, omni dilatione, excusatione, con-
tradictione, occasione, & appellatione
postpositis, tamdiu excommunicatio-
nis, & eorum Ecclesiam interdicti sen-
tentia subjaceret, donec præfatum Pres-
byterum ad canonicam Ecclesiam suæ, de
qua est auctoritate apostolica per supra-
dictum Episcopum investitus, admitte-
rent, & permetterent illum eam in pace
tenere: alioquin illos tam excommuni-
catos, quām ab officiis beneficisque sus-
pensos, penam de contemptu debitam
recepturos, ad sedem apostolicam nul-
lius contradictione vel appellatione ob-
stante transmittere non tardaret. Illos
verò, qui in sacerdotium Presbyterum
& prædicti Episcopi socios manus teme-
rarias injecerunt, tamdiu anathemati
subjacere, & omnī officiorum ac bene-
ficiorum, sublatō appellationis diffugio,
auctoritate suffultus apostolica, extor-
res decerneret, donec eidem Episcopo,
& eorum sociis, ab illis foret de illatis
injuriis plenarie satisfactum, & cum li-
teris ipsius Archiepiscopi veritatem
rei plenariè continentibus venirent ad
sedem apostolicam absolvendi. Prædi-
ctus autem Archiepiscopus eos officio
beneficiorumque suspedit, & Ecclesiam
Lemovicen. supposuit interdicto. quam
sententiam ipsi Canonicī servare penitus
contempserunt. Nos igitur quod super
hoc factum est, ratum habentes & fir-
mum, fraternitati tuæ per apostolica
scripta mandamus, & distictè præcipi-
mus, quatenus juxta præscriptam for-
mam ultimam transmissam Archiepisco-
po memorato, sublatō cuiuslibet con-
tradictionis & appellationis obstaculo,
in prædicto negocio procedere non
omittas; procuratori præfati Presbyteri
ejus nomine sine cuiuslibet interpo-
sitione personæ stallum in choro, & in
Capitulo locum assignans. Nullis literis
obstantibus dicto G. præsente, & res-
pondere parato, in harum præjudicium à
fede apostolica impetratis. Datum La-
terani XVII. Kalend. Aprilis.